

16/01/2003

Lawatan gembirakan warga tempatan

Wan Ahmad Wan Hassan

RAKYAT Kelantan pasti gembira dengan lawatan Perdana Menteri ke negeri ini, hari ini. Ini lebih-lebih lagi, Datuk Seri Dr Mahathir Mohamad, dijangka mengumumkan peruntukan RM10.8 juta bagi membantu pelajar miskin,

yang sekali gus dapat menangani Kelantan dalam gerhana.

Bantuan seumpama itu adalah sumbangan berterusan Kerajaan Pusat kepada pelajar dan ibu bapa di negeri ini.

Dalam laporan akhbar Berita Harian, Ahad lalu, Dr Mahathir dalam lawatan kerja dua hari itu, antara lain dijadualkan menghadiri majlis bersama rakyat di Kolej Sultan Ismail dan Sekolah Menengah Kebangsaan Air Panas, Jeli.

Lawatan itu membuktikan Kerajaan Pusat selama ini tidak pernah menganaktirikan rakyat dan negeri Kelantan.

Bantuan RM10.8 juta kepada pelajar miskin adalah bukti komitmen dan usaha berterusan Kerajaan Pusat untuk membantu rakyat Kelantan, walaupun diperintah kerajaan Pas.

Pas pula pada masa yang sama terus menadah tangan untuk menerima bantuan

Kerajaan Pusat dan pemimpinnya akan menemui Perdana Menteri sekiranya bantuan kepada Sekolah Agama Rakyat di negeri itu dihentikan.

Pas tidak dapat menyembunyikan bantuan yang dicurahkan oleh Kerajaan Pusat kepada negeri ini yang dulunya dianggap haram.

WAN AHMAD WAN HASSAN,
Kota Bharu, Kelantan.